



Kada mu je preselila čerka Allahov Poslanik, sallallahu 'alejhi ve sellem, je ušao kod nas i rekao: "Gasulite je sa vodom i lotosovim lišćem tri ili pet puta, a ako vidite da je potrebno i više od toga, i pri zadnjem pranju pomiješajte i miris. Kada završite, pozovite me."

Ummu Atije El-Ensarije, radijallahu 'anha, je rekla: "Kada mu je preselila čerka Allahov Poslanik, sallallahu 'alejhi ve sellem, je ušao kod nas i rekao: 'Gasulite je sa vodom i lotosovim lišćem tri ili pet puta, a ako vidite da je potrebno i više od toga, i pri zadnjem pranju pomiješajte i miris. Kada završite, pozovite me.' Kad smo završile, pozvale smo ga. Dao nam je svoj ogrtač i rekao: 'Prekrijte je njime.'" U drugoj predaji se prenosi da je rekao: "Ili sedam puta. Počnite sa njenom desnom stranom i sa dijelovima tijela koji se Peru pri abdestu." A Ummu Atije je rekla: "A kosu smo joj ispleli u tri pletenice."

[Vjerodostojan] [Muttefekun alejh]

Kada je Zejneb, radijallahu 'anha, kćerka Allahovog Vjerovjesnika, sallallahu 'alejhi ve sellem, preselila na Ahiret, Allahov Posalnik, sallallahu 'alejhi ve sellem, je ušao kod žena koje su je gasulile, među kojima je bila i Ummu Atije El-Ensarije, s ciljem da ih poduči načinu gasuljenja mejta kako bi sa ovog svijeta čista i u najljepšem liku otišla svome Gospodaru. On je rekao: "Operite je tri ili pet puta, i da to čišćenje završite sa neparnim brojem, pa ako vidite da je potrebno i više od pet puta onda to i uradite. I da bi to čišćenje bilo potpunije i tijelo ljepše izgledalo zajedno sa vodom koristite i lotosovo lišće te na kraju i miris, jer će miris otjerati od nje štetočine i uljepšati njeni tijeli." Takođe im je oporučio da počnu sa pranjem njenih najplemenitijih dijelova tijela, dijelova koji se Peru pri abdestu i da počnu sa desne strane. Zatim je naredio da ga pozovu kada završe sa pranjem. Kada su završile i o tome obavijestile Poslanika, sallallahu 'alejhi ve sellem, dao im je svoj ogrtač kojim je pokrivač svoje čisto tijelo da je njime omotaju i da joj to bude bereket u kaburu. A žene koje su je gasulile, saplele su joj kosu u tri pletenice, dvije sa strane i jednu iza leđa.

النّجّات الخيريّة
ALNAJAT CHARITY

